



Maligaliqijitkut Havagvia Nunavut Kavamanga

Mikitqijaq Akiliuhiarutikhaq Akia

Ukiuq tamaat Unniudjutaa

2024

Hivuagun Kangiqhidjutit

Una *Nunavunmi Havaktuliqinirmut Atuqtakhainnut Maligaq* (una "Maligaq") maligaliuqlugit havaknikkut auladjutit tahapkua pihimajut ataani aviktuqhimajuni nunani. Maligaq piliuqtangit atuqtauvaktut mikitqijamut atuqtakhait akiliuhiakhanut pidjutikhainnullu havagiami amihuni havagviujuni Nunavunmi, unali piliuqhugu miqitqijaanut akiliuhiakhamut akikhaanut nunami. Nunavunmi mikinirhaq akiliuhiaghaq akia uuktuqtaaqtuq kanatami havaktinun havaktut aviktuqhimajumi, imaa *Kanatami Havaktut Naunaitkuta* uqaqhimajut tapkua kanatami havaktut akiliqtaujukhat akitutqiamik kanatamin mikinighaq akiliuhiagahaq akia uvaluuniin akiit aviktuqniini uvaluuniin aviktuqhimajumi humi havaktaujut.

Mikinighaq akiliuhiaghaq akia akikitqiaq akia tamna havaktitijuq akiliqtaaqtaait havaktit havaktut ikaangnikkut pihimajut. Pidjutiluanga atuliqnia miqitqijaanut akiliuhiakhamut akia pittailjaangani ikajuqtiqangitunun havaktut uvani ajuittiaqhimangittunun havaani ihuangitukkut. Mikitqijaanut akiliuhiakhamut akia pijakhaq ihivgiuqtauluni uvalu ihuaqhaqataaqlugu qakugungugaikpat pidjutigiblugit aallanguqataaqtut maniliuqnikkut uvalu/uvaluunniit inuqangninggit qanuriniinnun. Mikitqijaanut akiliuhiakhamut akia Nunavunmi iliuraqtauhimajuq Naunaitkutani 12 Maligaqmi ihuaqhaqtaujaaqtuq uvani Mligami *akiliuhianun Maligat*.

Uvani 2002mi, Maligaq ihuaqhaqtauhimajuq pihimabluni Ministap ihivriuqlugu miqitqijaanut akiliuhiakhamut akia ukiuni uvalu uniudjutigilugit qanuginiit haffumunga Maligaliuqvikmun (Naunaitkutaani 12.1 haffuma Maligaani). Una uniudjut upalungaijaqtauhimajuq malighugit una pitqujauhimajuq.

Mikitqijaq Akiliuhiarutikhaq Akia Nunavunmi

Talvanga Ubluiqtirvia 31, 2024, mikinighaq akiliuhiaghaq akia Nunavunmi imaa \$19.00 attauhiq ikaarniq.

Ihivriurniq uumani Mikitqijami Akiliuhiarutikhap Akingani

Havagviat Maligaliqijikkut kinguliqpaaq ihuaqhaqtauhimajuq Nunavutim mikinighaq akiliuhiaghaq akia uvani **Ubluqtuhirvia 1, 2024**, akituqjuumikpat akiit hamanga \$16.00 hamunga **\$19.00-taala ikaaqnimik** malikhugit ihuaqhaqtauhimajut ilangani 5 haffumani *Akiliuhiakhat Maliruagakhat*.

Una akituqjuumijuq malikhugit Havagviat Maligaliqijit naunaijaqhimajut Mikinirhaq Akiliuhiatigut Ihivriurutaa (una "Ihivriuqhiniq"), kitut iniqtaujut uvani Niqiliqivik 2023. Nutaaq \$19.00 mikinighaq ikaangnikkut akiit pidjutiqaqtut itqungniarutaa tamaita mikinighaq akiliuhiagahaq akia tapkua pidjutiqaqtut pitqujaujunin pijakhat Ihivriugutini. Ihumagiblugillu havaktit uvalu havagviit naunaijautit uqagait uvalu pusatinga aalanguqata hapkununga Iqalungni CPImun, tugaaqhimaitumik kihimi pidjutaunun.

Aktilaaghugit akittuqniitigut uvalu akituniinnun inuujaami Nunavunmi

Niuvaaiviit Akiinun Naunaitkutait: Niuviktauhimavaktunik Akikhait Naunaijauti ("CPI") naunaitkutaajuq aktilaangitigut akituniitigut. Aktilaagutaujuq aallanguarniik niuvaaajt akiinik qakugunguraangat. Una CPI naunaitkutaa akikhainut atauttimut pihimajunut hunavaluit niuvrutauhimajut talvannga atauhirmin ukiumin aippaanun ukiumun. Kiklihinikkut Kanada katitiqpaktait titiraqhugillu akinginnik naunaitkutit tatqiqhiutini tamaat. Pusatingnti aalanguqtuq atahirmin atuqtainin aippaanun ilihimajaujuq "akiit akituqnirmun" (unaluunin "akiit akikhinirmun" akikikhijuumiqqat).

CPI naunaitkutit pijuuq uumungainnaq Iqalungnun, Nunavunmi-tamaat qanuriliurutikhanik piqanginmat. Iqalungni naunaitkutit CPImut naunaitpiarhimaittungnarhijun akittuqjuummirutinun akinginniklu-inuujaami aallanguqtirutinik tamainni 25ni nunallaani Nunavunmi. Pihimajainut Kiklihinikkut Kanadamin, una ukiuq tamaat pivaktuq CPI Iqalungnun akittuqjuummiqtuq imaatun 1.6% 2023min uvunga 2024mun. Una aadjiliurutigiblugu haffumunga 2.4% akituqjuumirnirmun

Kanadami CPI atuqtilugu aadjikutaa aturnirani. Naunaitkutinga 3 ataani takunnaqtuq ukiuq tamaat CPI pivakuq Iqalungni 2004min uvunga 2024mun.

Naunaitkutaa Atauhiq ikaarniup Akiliuhiakhaa: Aktilaangit Ikaangnikkut Akiliuhiangit ("AHW") aktilaarutaujuq havaatigut akiit, kitut ilaujut aktilaaqhugit akiit, uvalu ikajuutaujut tunihijut tautuktuumijaaqtatik akiinun uvalu atuqtaujunun inuunikkut. Naunaiqtaujuq uumangga akiliuhiangit havaktut akiliqtaujut ikaarninnganit (pingittuq havakingit) tamainni aallatqiini havakviujunit. Kiklihinikkut Kanada katitiqpaktait titiraqhugillu akinginnik naunaitkutit tatqiqhiutini tamaat.

Naunaijainiq Kanadami naunaijaqtait AHW nampangit tamainnit Nunavunmit. titiraqtauhimajut uvani Naunaitkutami 4mi, ataani, AHW (ilaungitut avatqudjutijut ikaarnirnik) Nunavunmun akituqjuumiqtut 6.3% hamanga 2023 hamunga 2024. Una aadjiliurutigiblugu haffumunga 4.4% akituqjuumirmun Kanadami CPI atuqtilugu aadjikutaa aturnirani.

Kanatami Aulaniit

Mikitqijaq Akiliuhiarutikhaq Akia: Nungunningagun 2024mi Nunavut aulapkaqtittijuq qulvahitqijaujumik mikitqijami akiliuhiarutikhamik tamainni avikturhimanirni ukiuqtaqtunilu, imaatun \$19.00 atauhirmun ikaarnirmun. Tamaita aalat nunat kihimi Albertami akituqjuumijut inmi mikinighaq akiliuhiaghaq akiit uvani 2024mi, Jukon piqaqtut tuglirmik-akitutqiamik akiit (\$17.59) uvani Qitiqqautijuq 1, 2024. Unalu, Alberta-mi (\$15) unalu Saskatchewan (\$14-taalamik Tattiarnaqhilirvia 1, 2024-mi; taimaa \$15) mikitqijaujuq mikitqiaq mikitqiaq akiliuhianga akingit nunarjuaptikni 2024mi. Una 2024 amigaitilaangit mikinighaq akiliuhiaghaq akia tamaini Kanatamin (ilaujut Nunavunmi kanatamilu) imaa \$16.35.

Niuvavaaiit Akiinun Naunaitkutait: Naunaijainiq Kaanatami qanuriliurutingit CPI aturhutikiingujut angijut ilagijangit: niqit; najugakhaa; iglumiugatiigiiktut aulapkaidjutait, tamajait, tamajallu; aannuraat kamikniklu; ingilradjutikhat; aanniaqtailinikkut inmikkutlu munaridjutit; tuniningnaqtuq,

iliharnirmi taiguarnirmiklu; unalu imiqmik niuqagakhat, tipaakut, tuninguiqtirijutulu aangajaaqnaqtut.

Pidjutigiblugit Kihigtitinirmun Kanada *Niuvaanirmun akiinun Naunaitkutait: Ukiuq tamaat ihivriughiniq, 2024* (tuhaqtitaujuq Januali 21, 2025) akiit angiklijuummiqtuq siksini iinin angijuni pidjutini 2024mi, ukunani malruukni pidjutini aturhuni akiinnik mikhilaaqtirutinik: aannuraanik puhuknirniklu (-3.2%) iglunilu aulapkaidjutinik, amiinnik tamajaniklu (-1.0%). Ukunani siksini ilanginnik akiinnik naunirnik, ingilradjutini (+1.6%) qimaavingmilu (+5.7%) piqaqtut amigaitqijaujunik pusantinganik amigaiqjuummirutijun talvannga 2023min.

Kanataup aipagutuqpaak ukiuq tamaat amigainiqhat CPI-gujut agikligiaqtut 2.4%-mik 2024-mi (157.1-mit 2023-mi 160.9-mut 2024-mi). Ilaungitut qilamik akiit hamanga 2021-2023 atuqtilugu qalagjuarniq COVID-19 nunaquami, una anginiqhaujuq akituqjuumijuq ukiumi amigaitilaangit CPIkut hamanga 2011min, akituqjuumijuq 2.9%. Ilaungitut auladjutit, ukiuq tamaat aktilaangit CPI angiklijuummiqtuq 5.7% uvani 2024mi, aadjiliurutigiblugu 2.4% uvani 2023mi.

Naunaitkutaa Atauhiq ikaarniup Akiliuhiakhaa: Naunaijainiq Kaanatami qanuriliurutingit AHW aturhutik nampanik aadlatqiinit naunaijaininngit unalu tunngavingit ihumagilugillu qaffiujut havaktut akiliqtaujut ikaarninnganit, nampanganik Santimi ikaarnimik nampangit, unalu tamaat taaksiliqininnga akiliuhiangit piiqtautinnagu. Kanataup aipagutuaraagata amigainiqhat ikaaqqniqmi manikhaaginik akituriaqtut 4.4%-mik 2024-mi (29.03-mit 2023-mi 30.30-mut 2024-mi), tuukliujuq akituutqijaujuq amigainigit kavamatuqanik amigainigit atuqhimajunik 20-ni ukiuni (2020-mi takujut aginiqhamik akituriaqniganik, AHW-mik akituriaqmat 4.8%-mik 2019-mit). Humiliqaa Kanatami, Nunavut amigainiqhat amigaiqhimajut AHW-mi 2024-mi (+6.3%-mik), kiguani Quebec-mi (+5.2%-mik). Taimaali tamaita nunat AHW angiklijuummiqtuq uvani 2024mi, Nunatsiaq ikitqiaq pusatinga akituqjuumijuq imaa 0.9% (hamanga \$36.46 uvani 2023mi hamunga 36.77 uvani 2024mi).

Aadjikkuhiunikkut Mikitqijamut Akiliuhakhanut Ikajuuhiarutinut

Pijakharilluangujuni atugakhanut pidjutikhainut ihuaqhilitik mikitqijamut akiliuhiakhamut ikajuutigilugu manikhanut pijakhainut inungnut havalirianginni Ikajuuhiarhimmaaqnaittumik. Taimailiuriami, akiliuhiangit uumannga mikitqiaq akiliuhianga akinga akittuqjuumijukhaq uumannga qaffi taalaujut pijait Ukunuuna Ikajuuhiarniq akhuuqugiami tahapkuat havaktukhat qinirhiagiami havaakhaq.

Uumunga angikliharlugu mikinighaq akiliuhiaghaq akia uvani \$19.00 attauhiqmi ikaangniqmi, Nunavunmiun akiliqtaujut uumunga akianik tunijauniaqtut hapkuninga akiliuhianginik tatqiqhiutmik (pihimajut uvunga 40nik ikaarnirnik havaktut havainiqmi):

- Attauhiq Ilagiik Ilaujuq havaktuq uvani mikitqijaanut akiliuhiakhamut \$3,293
- Malruk Ilagiit havaktuk uvani mikitqijaanut akiliuhiakhamut \$6,587

Tahapkunatat inngittunut akiliuhairutitut, akia Ikajuuhiarutimut ikajuqtaujuq pittaaqtanginnut pivagait amigaitilaanginnut ilagiiktunut nunallaarijainullu. Ataani ittut manikhanut naunaitkutait tatqiqhiutikkut atuqpagainut ikajuutikhanut, aallatqiingujunut nunallaanut:

- Attautit Ilagiit Ilaujuq \$914 hamunga \$1,048
- Malruknik Ilagiiktunut \$1,024 hamunga \$1,160
- Pingahunut Ilagiiktunut \$1,446 hamunga \$1,637
- Hitamanut Ilagiiktunut \$1,840 hamunga \$2,081
- Qulit Ilagiiktunut \$3,589 hamunga \$4,037

Ihivriurniq uumani Mikitqijami Akiliuhiarutikhap Akingani

Atulihaaliqtilluni 2025 mi, Nunavutim mikinighaq akiliuhiaghaq akia ihuaqhaqtauniaqtuq ukiuq tamaat Apitilirvia 1 mi talvulluami tatqiqhiutip ukiungata aadlanggunniit CPI nga Iqalungni ukiuq tamaatlu AHW ngahi nunavunmi.

Atuliqtitlugit ukiuq tamaat ihuaqhaidjutikhat naunaijautikhat ikajuutikhat havaktitijut havaktiillu Nunavunmi imaatut:

- pipkaqlugit Nunavunmi mikinighaq akiliuhiaghaq akia kiujaangani ukiuq tamaat aalanguqtirniq aviktuqhimajumi maniliurnikkut uvalu havaatigut avatiit;
- tunihilutik ihuangnikhainik uvalu naunaittiaqhimajumik hapkununga Nunavunmi havaktitijunun, imaa ihuaqhijuumiqlugit nanminiaqtut' pijaanigit upalungaijariami mikinighaq akiliuhiaghaq ihuaqhaidjutikhaq uvalu pijaangini hulaqutit mikinighaq akiliuhiaghaq akia akituqjuumidjutaa, ukiuq tamaat akituqjuumidjutait mikitqijauniaqtut aadjiliurutigilugit tapkua atuliqtaujut kinguani anginiqhait naunaijautit;
- pijaangini havaktit akiliuhiangit mikinighaq akiliuhiaghaq tunijauluni, niriuktaujut akiliuhiakhat akituqjuumilutik; unalu
- nakuutqiamik ikajuqhugit Nunavunmiun munariblugit akituqjuumijut akiit inuunikkut aviktuqhimajumi.

Taimaalu, iliuraqhugu ukiuq tamaat ihuaqhaidjutikhaq atugahaq Iqalungni CPI unalu Nunavunmi AHW, mikinighaq akiliuhiaghaq akia kiujaaqtuq akituqjuuminirmun akiit inuunikkut, ilaliutiblugit akiliuhiatigut qanuriniit havaktinun pidjutiaqtut mikinighaq akiliuhiaghaq, taimaali aghuuqhaibluni ihuaqtumik uvalu ikajuqlutik aadjikiingnikkut aalanguqataaqtut attauhirmi pidjutajumi.

Tamaita Kanatami nunat kihimi Albertami uvalu Prince Edward Islandmi atungnia ukiuq tamaat ihuaqhainikkut atugahat inmi mikinighaq akiliuhiaghaq akiit.

Naunairutikhat Naunairutiit

Naunaitkutaa 1	Mikitqijat Akiliuhiaghat Akiit tamainni Kanadami talvannga Tissaipa 31, 2024mi
Naunaitkutaa 2	Mikinighaq akiliuhiaghaq akia Aallanguqtiqniq Nunavunmi talvanga 1999
Naunaitkutaa 3	Amigainiqhat Aipagutukgutauvaktunik Niuvgutauvaktunik Akkitukpaktunik Naunaipkutit mikharut Iqaluit, 2004 talvunga 2024
Naunaitkutaa 4	Ukiumi Aktilaangit Ikaangnikkut Akiliuhiaq Nunavunmi, 2004 hamunga 2024

Naunaitkutaa 1: Mikitqijat Akiliuhiaghat Akiit tamainni Kanadami talvannga Tissaipa 31, 2024mi

NUNAGIKJAUJUT*	IKAARNIKKUT AKIA	ATULIQVIGHAA UBLUA
Kavamatuqatkut	\$17.30 (angitqijaanikluunniit aajikutigijaami avikturhimanirni ukiuqtaqtunilu akitutlaanginni)	Qitiqqautijuuq 1, 2024
British Columbia	\$17.40	Imaruqtirvia 1, 2024
Alberta	\$15.00	Imaruqtirvia 26, 2019
Saskatchewan	\$15.00	Tattiarnaqhilirvia 1, 2024
Manitoba	\$15.80	Tattiarnaqhilirvia 1, 2024
Ontario	\$17.20	Tattiarnaqhilirvia 1, 2024
Quebec	\$15.75	Qiqaijaluarvia 1, 2024
New Brunswick	\$15.30	Qitiqqautijuuq 1, 2024
Prince Edward Island	\$16.00	Tattiarnaqhilirvia 1, 2024
Nova Scotia	\$15.20	Tattiarnaqhilirvia 1, 2024
Newfoundland & Labrador	\$15.60	Qitiqqautijuuq 1, 2024
Yukon	\$17.59	Qitiqqautijuuq 1, 2024
Nunatsiaq	\$16.70	Apitilirvik 1, 2024
Nunavut	\$19.00	Ubluqtuhivia 1, 2024

*Ilihimajakhaq: Ukuat qulaani atuqtut mikitqijaujumi akiliuhiagahani akiit tamainni nunagijaujuni. Ilait nunagijaujun piqaqtut aallangajunik akinik pihimajut aviktuqnikkut uvalu havaatigut ihumagijaujunun uvalu ilait akikitqiat akiit iliaqtunun, ajuittiaqhimangittunut havaktut, uvalu/uvaluuniin havaktut tunijaujut maniknik aittuuhianik.

Naunaitkutaq 2: Mikinighaq akiliuhiaghaq akia Aallanguqtinqi Nunavunmi talvanga 1999

IKAARNIKKUT AKIA	ATULIQVIGHAA UBLUA	AKITTUQJUUMMIQTUQ	AVVANGATIGUN (%) AALLANGUQNIATA
\$7.00/\$6.50*	Qitiqqautijuq 1, 1999	n/a	n/a
\$8.50	Qiqailruq 3, 2003	\$1.50/\$2.00	21.4%/30.8%
\$10.00	Apitilirvia 5, 2008	\$1.50	17.7%
\$11.00	Ubluqtuhivia 1, 2011	\$1.00	10.0%
\$13.00	Qitiqqautijuq 1, 2016	\$2.00	18.2%
\$16.00	April 1, 2020	\$3.00	23.0%
\$19.00	Ubluqtuhivia 1, 2024	\$3.00	18.8%

*Ilihimajakhaq: 1999min 2003mun, tunnganiqarhuni hivuagun maligaqnin Nunatsiamin, Nunavunmiun piqaqtuk malguknik mikitqijanik akiliuhiaghanik akiinnik inirirnun imaa \$7.00 atauhirmun ikaarnirmun atuqtuq havaktinun 16nik ukiulgit avatquhimajunullu imaal \$6.50 atauhirmun ikaarnirmun atuqtuq havaktinun 16nik ukiulgit avatqumajunullu nunalingnun "ungahiktut apqutiJuanin".

Naunaitkutaq 3: Ukiungani Pivaktuq Niuviktauhimavaktunik Akikhait
Naunaijauti (CPI) Iqalungni, 2004min 2024mun

UKIUQ	UKIUMI NAUNAITKUTAA	PUSATINGA AALLANGUQNIANIN KINGULLIQMIN UKIUMIN
2004	101.2	-
2005	102.9	+1.7%
2006	104.6	+1.7%
2007	107.9	+3.2%
2008	110.4	+2.3%
2009	112.6	+2%
2010	111.8	-0.7%
2011	113.4	+1.4%
2012	115.3	+1.7%
2013	116.6	+1.1%
2014	118.1	+1.3%
2015	120.4	+1.9%
2016	123.4	+2.5%
2017	125.4	+1.6%
2018	129.2	+3.0%
2019	131.4	+1.7%
2020	132.4	+0.8%
2021	133.2	+0.6%
2022	138.4	+3.9%

2023	141.9	+2.5%
2024	144.1	+1.6%

Pivigijaa: Naunaijainiq Kaanatami, Naunaitkutanga 18-10-0005-01 *Niuviktauhimavaktuni Akiinnik Naunajautaa, ukiuq tamaat, ukiup iluani-tamaat ihuaqhaqtaungittuq*

Naunaitkutaq 4: Ukiumi Aktilaangit Ikaangnikkut Akiliuhiaq Nunavunmi, 2004 hamunga 2024

UKIUQ	UKIUMI NAUNAITKUTAA	PUSATINGA AALLANGUQNIANIN KINGULLIQMIN UKIUMIN
2004	19.71	-
2005	20.16	+2.3
2006	21.95	+8.9
2007	23.49	+7.0
2008	23.26	-1.0
2009	24.57	+5.6
2010	24.60	+0.1
2011	25.56	+0.39
2012	29.19	+14.2
2013	28.85	-1.2
2014	28.46	-1.4
2015	28.70	+0.8
2016	29.96	+4.4
2017	30.20	+0.8
2018	30.82	+2.1
2019	33.14	+7.5
2020	36.11	+9.0
2021	34.83	-3.5
2022	35.83	+2.9

2023	37.30	+4.1
2024	39.66	+6.3

Pivigijaa: Naunaijainiq Kaanatami, Naunaitkutinga 14-10-0206-01 *Amigainiqhat ikaaqniqmi manikhaakhat havaktut akiliqtaujut ikaaqniqmi, havakviujumit, aipagunguqqat*